

¡BOMBA!

Crisis, pandemia y caída,
y una realidad distinta;
2020 tiene pinta
de temporada perdida



K'uintsil

Miércoles 26 de agosto de 2020

CAMPECHE · YUCATÁN · QUINTANA ROO · AÑO 6 · NÚMERO 1302 · www.lajornadamaya.mx

MA' TÁAN U JA'ATSAL CHÍMPOLAL KU K'U'UBUL TI' XIIB YÉETEL KO'OLEL TU CHA'ANIL BERLINALE NO HABRÁ JERARQUÍA DE GÉNERO EN PREMIOS DEL BERLINALE

Berlinala, jump'éeel ti' u k'a'ananiil cha'an yaan yóok'lal u meyajil cha'an wa cine ku beeta'al yóok'ol kaabe, tu ts'áaj k'ajóoltbile' yaan bin u ch'éenel u jatsik chímpolal ku ts'áak ichil máaxo'ob ku chikpajalo'ob ti' le cha'an ku beeta'alobo', ti'al beyo' ma' u yantal u ke'etel xiib yéetel ko'olel, le je'ela' mán táan u beeta'al ti'al u táats' yantal ba'al ichil geeneróo, beey úuchik u ya'alik máaxo'ob jo'olbesik cha'an.

Beey túuno', te'e ja'ab ku taala', yaan u k'u'ubul Oso de Plata ichil u jaatsil: mejor interpretación protagonista y secundaria, úuchak u tse'elel mejor actriz y mejor actor.

“U ch'éenel kjatsik chímpolalo'ob chéen tumen xiib wa ko'olel máax beetike', ku taal u ye'es jump'ít k'eexil táan u yantal ichil ktuukul, ti'al beyo' u páajtal u xak'alta'al u meyaj máax yóok'lal meyaj ku beetiko'ob ti' cha'ano'ob”, beey úuchik u tsola'al tumen máaxo'ob jo'olbesik Festival, Mariette Rissenbeek yéetel Carlo Chatrian.

Beyxan yaan u k'u'ubul u túumben chímpolalil Premio del jurado del Oso de Plata. Le cha'ana', jach k'a'anan cha'an je'el bix Cannes yéetel Venecia.

Ba'ax ts'o'ok u je'ets'ele', tu k'as beetaj u chan yantal u tsikbalil, tumen u cha'anil Berlinala' ku p'áatal beey u yáax nojoch meyajil cine tu lu'umil Europa tu'ux táan u yantal k'eexil ichil ba'ax ku jets'ik najmal u xak'altik ti'al u k'ubik chímpolal ku ts'a'abal ti' xiib yéetel ti' ko'olel, tumen le jaatsila', leti' u asab k'a'ananiil chímpolal ku k'u'ubul lik'ul u ja'abil 1956.



Oochel ch'a'aban te'e áanalte'o

HECHA EN MÉXICO, U NA'ATUNAJIL U MEYAJIL MODA VISIÓN ANTROPOLÓGICA DE LA MODA

U áanalte'il *Hecha en México*, ku molik yéetel ku ye'esik ba'ax ts'ook meyajta'an ichil mooda ti' le ts'ook junk'aal ja'abo'oba'. Jump'éeel meyaj je'el bix le je'ela' mix juntéen yáax beeta'ak tumen ma' ya'ab ts'íbo'ob jóok'sa'an tu yóok'lal le meyaja'.

Beyxan beeta'ab ti'al xan u páajtal u

xak'alta'al jejeláas ba'alo'ob yóok'lal máaxo'ob táan u meyajo'ob ti' mooda walkila', ti'al u chikbesa'al máaxo'ob ma' táan u pakta'alo'obi' yéetel máaxo'ob yaan tu paach tuláakal le meyajo' je'el bix jch'a'a oochelo'ob, jbon icho'ob, ichil uláak'o'ob.